
1197 - “CALL-CENTRE” РАҚАМИ

Мамлакат бошига тушган шундай синовли кунларда ўзбек халқининг ҳамжиҳатлиги, бағрикенг ва саҳоватпеша инсонларнинг эҳтиёжманд оилаларга кўрсатаётган кўмаклари таҳсинга сазовордир.

Маҳалла ва оилани қўллаб-қувватлаш Фарғона вилояти бошқармаси биносида ҳомийлик хайрияларини мувофиқлаштириш маркази ташкил этилди.

Унинг, яъни “Call-centre”нинг 1197 қисқа рақами орқали аҳолидан келиб тушаётган мурожаатлар ўрганилиб, электрон дастур асосида ҳар бир туман ва шаҳар бўйича тузилган ишчи гуруҳларга юборилмоқда.

Хайрия ва ҳомийлик асосида тақдим этиладиган озиқ-овқат маҳсулотлари маҳаллалар кесимида шакллантирилаётган рўйхат бўйича эҳтиёжманд оилалар, ёлғиз кексалар, ногиронлиги бўлган шахслар ва аҳолининг бошқа ёрдамга муҳтож қатламига карантин талабларига қатъий риоя этилган ҳолда етказиб бериляпти.

Биргина 5 апрель куни 674 та МФЙларга ажратилган ёрдам тарқатилди.

Бу каби ишларда Ўзбекистон ёшлар иттифоқи вилоят кенгаши ва бошқа кўнгилли ёшлар яқиндан кўмак бермоқда.

Фарғона вилояти ҳокимлиги Ахборот хизматиFacebook, Telegram, Веб сайт, YouTube

2020-04-06 16:49:52